

A ÑUCAMA SINANXUN CA AXA ANU TIMĚCĚ UNICAMAN ĚSAQUIN CAXA:

A PAIN SINANCĚ BANA

CAMAXUNBI CA 'UNANIA: Camabi uni ca bĕtsibĕ sĕnĕn 'icĕ quixun camaxunbi 'unancĕ 'aish ca camabi uni, uni itsin racueocema 'janan cĕmei ami mananquin 'atimocĕna 'aish chŭamarua bucuti 'icĕn.

CAMAXUNBI CA 'UNANIA: Camabi uni ca bĕtsibĕ sĕnĕn 'icĕ quixun sinanti 'ainbi ca an usaquin sinancĕma unicaman an sinancĕx a meu 'icĕ uni 'aisamaira tĕmĕramianan paĕ tanmiquin 'atimoia, uni raírĭ usoquin unĭ 'ati ca 'aisama 'icĕ quicĕbĕtanbi. Usaquin bĕtsi unĭ 'ati cuĕĕnĭma ca camabi uni ĕsai itĭ 'icĕn: ańu ńu ńui cara banaia a cupĭ ubiocĕma itĭ, 'ianan ańu ńu cara sinania a cupĭ ubiocĕma 'itĭ, 'ianan ańu cara pisa tania pianan ain cuĕĕncĕ ńu bianan uinu cara 'isa tania anu 'iabi ca bĕtsi unĭ unin racuĕotima icĕn.

CAMAXUNBI CA 'UNANIA: Gobiernocaman uni upitax bucunun quixun bana mĕniocĕma 'ain tĕmĕraquin ca unicaman masá nuituquin ain 'apumibĭ nishi 'acananti sinanti 'icĕn.

CAMAXUNBI CA 'UNANIA: Camabi netenu 'icĕ unicama ubiocĕma 'aish chŭamarua 'inun ca camabi nĕtĕnu 'icĕ gobiernobĕ ain unicamaribi bĕtsi gobierno 'imainun ain unicamabĕ nishananim upĭ itĭ 'icĕn.

CAMAXUNBI CA 'UNANIA: Gobiernocaman xucĕx timĕcĕ unicaman ca upĭma ńu 'acĕma 'aish ca camabi uni bĕtsibĕ sĕnĕn 'aish ubionancĕma upiti itĭ icĕ quixun sinanquin camabi unĭ usai 'inun 'aquinŭ camaxbi 'íasamaira oĭ upiti bucunun.

CAMAXUNBI CA 'UNANIA: Gobiernocamanribi ca caxa, camabi 'apun anĕĕ unicaman sinancĕsaribi oquin cananuna nunribi sinanin. Usaxun cananuna atubĕtan atŭn sinancĕsabi oĭ nun nĕtĕnu 'icĕ unicama 'atima ńu 'acĕma 'aish upiti bucunun 'aquinti 'ain.

CAMAXUNBI CA 'UNANIA: Camabi unicama ubiocĕma upiti bucunun ca camaxunbi pain ĕnĕ banacama unanquin sinanti 'icĕn.

Gobiernocaman xucĕx timĕcĕ unicaman ca ĕsaquin caxa:

A ÑUCAMA SINANXUN CA AXA ANU TIMĚCĚ UNICAMAN ĚSAQUIN CAXA:

Camabi nĕtĕnu 'icĕ unicaman: ĕsai 'itĭ 'aish ca camabi uni upiti bucutĭ ice quixun sinanquin ca ĕnĕ quiricanua ńuicĕ banacama manutimoquin sinánan an ĕnĕ bana 'unancĕma unicamanribĭ upĭ oquin 'unánun 'unanmitĭ 'icĕn. Camabi gobiernonĕn ca ain nĕtĕnu icĕ unicaman ĕnĕ banacama upĭ oquin 'unánun 'aquinti 'icĕn. Camabi nĕtĕnu 'icĕ unicaman ĕnĕ banacama upĭ oquin 'unánun ca gobiernocama bĕtsi gobiernobĕ 'aquiananti 'icĕn.

1.

Uĭ unĭ cara 'itĭ icĕ axbi ca bĕtsi unibĕ gobiernonĕn iscĕx sĕnĕn itĭ icĕn. Uĭ cara ain tita ain papa 'iaxa quixun sinanquinma ca gobiernonĕn sinancĕx ax bĕtsibĕ sĕnĕn 'icĕn. Camaxunbi ca sinantĭ 'unanin.

Camaxunbi ca ańu ńu atĭ cara asábĭ 'icĕn, ańu ńu 'ati cara 'aisama 'icĕ quixun 'unanti 'icĕn. Usa 'ain ca camaxbi ain xucĕnbĕ 'icĕsaribiti nuiananti 'icĕn.

2.

Uĭnu 'icĕ ĕmanu 'icĕ uni cara ax 'icĕ, ui unin aintsĭ cara ax 'icĕ, ax cara xanu 'icĕ, ax cara nucĕ bĕnĕ 'icĕ, uisa banan cara banaia. Nucĕn Papa Diosmi cara sinania, ami sinanima ańu ńubĭ rabi cara sinania, ui unicamax cara 'apu 'itĭ ice quixun sinanía, ańu ńu cara sinania, uisai cara ain papa ain tita 'ia, ńuńu cara ax 'icĕ, ńuńuma cara, usa ńucama sinanquinma ca gobiernonĕn camabi uni ńu 'atima 'acĕma 'aish ca bĕtsi unibĕ sĕnĕn icĕ quixun sinanti 'icĕn.

Uisa cara ain nete icĕ, a nĕtĕ cupĭ ca uni 'atimocĕ 'itima 'icĕn.

3.

Uĭ unibi ca bĕtsi unin bamamiti sinantĭma 'icĕn. Ca chiquitimoĭ sĭpuacĕ 'itima 'icĕn. Ca 'atimocĕ 'itima 'icĕn.

4.

Uĭnu 'icĕ unixbi ca chiquitimoquin marucĕ 'itima 'icĕn. Unĭ chiquitimoquin maruxun 'ibuati 'aĭma itĭ 'icĕn.

5.

Uĭnu ice unibi ca 'aisamaira oquin uni itsin paĕ tanmitima 'icĕn. Bĕtsĭ uni ami nishquin paĕ tanmiquin 'atimocĕ a ca 'itima 'icĕn. ńuina 'acĕsa oquin 'atimocĕ ca uni 'itima 'icĕn.

6.

Uĭnu 'icĕ unĭxa uinu cara 'ia a ca anu 'icĕ gobiernonĕn unĭ itsĭ 'acĕsaribi oquin sinanti 'icĕn, ax bĕtsĭ unisaribi 'icĕ cupĭ.

7.

Uĭnu ice unibi, ami uni itsin upĭma sinanquin paránan 'atimonunma ca gobiernonĕn 'aquintĭ 'icĕn. Enĕ banacama sinanquinma ain cuĕĕncĕs a oquin unin unĭ itsĭ atimoi ami 'ĕsĕnanunma ca gobiernonĕn bĕrŭati 'icĕn.

8.

Uni ñu 'atima 'acēma 'icēbi uni itsin 'atimocē 'ixun ca a unin an uni bana mēnioxuncē 'apu cati 'icēn. Cacēxun ca mēniotí 'icēn, gobiernonēn cacēsabi oquin.

9.

Uinu 'icē unixbi ca añubi 'uchacēma 'icēbi bētsi uni ain cuēñcēsa oquin sipuacē 'itima 'icēn. Sipunu 'icē ca anubi 'inun ėntima 'icēn. Ain menua ca bētsi menu cuantanun xutima 'icēn.

10.

Unin uisa ñu 'acē 'icēa bētsi uni a 'aisamonun quixun ami mananquin cacēxun ca an bana mēniocē 'apun bētsi uni manancē a unin banaribi asērabi cara usa 'icē quixun 'unantí 'icēn, uni raírinēnribi ismainun.

Upí oquin istancēxuinshi ca cati 'icēn, uisa cara a uní otí ice quixun, gobiernonēn ain quiricanu mēníasabi oquin.

11.

Uinu 'icē uni cara uni itsin ami manania, a ca an bana mēniocē 'apun pain upí oquin sinantí 'icēn, sapi ca ñu 'atima 'acēma 'icē quixun. Gobiernonēn cacēsabi oquin pain ca isti 'icēn uisa ñucama cara 'axa quixun. Uni rairinēn ismainun ca axa ami manancē unicaman bana cuanan amia manancancē a unin banaribi cuanan an a uni unancē unin banaribi cuatí 'icēn. Cuaxuinshi ca asērabi uisa cara a uni 'iaxa quixun upí oquin 'unantí 'icēn.

Uisai cara gobiernonēn bana quia usoquinshi ca an bana menioce 'apun a 'uchacē uni asērabi ain ñu 'atima 'acē istancēxun uisa cara otí ice usoquin 'atí 'icēn. Anun a ñu 'aisama 'acē nētē ain fecha isquin ca an bana mēniocē 'apun a fecha gobierno quicē bana bētisoima a bana quicēsabi oquinshi axa 'uchacē uní atí icēn.

12.

Uinu 'icē uninbi ca ain cuēñcēsa oquinshi bētsi uni 'imainun ain xanu 'imainun ain bēchicē ubiotima 'icēn, ain xubunu ca atsintima 'icēn, ain quirica bētsi unin bēmīcē 'imainun quirica an buanmicē ca rairinēn bitima 'icēn. Usa 'ain ca uinu ice unixbi, a unix ca 'aisama icē quixun uni rairi sinanmi 'atimati banatima 'icēn. Usai banacēbētanbi an bana menioce apun gobiernonēn cacēsabi oquin meniotí 'icēn.

13.

Uinu cara uni cuainsa tania, anu ca cuanti 'icēn; ain nētēnu 'aisch uinu cara tsotisa tania ca uni anu tsoti 'icēn.

Uí unix cara ain nētēnuax nētē itsinu cuainsa tania ax ca cuanti 'icēn. Amanu 'itancēx ain nētēnu utēcēinsa tani ca uti 'icēn.

14.

Uix cara ain nētēnuxun bētsi bētsi ocē 'ia ax ca tēmēranuxma bētsi nētēnu cuainsa tani cuanti 'icēn.

Ain ñu 'atima 'acē cupí gobiernonēn mēnioquin 'atimocē usa uni ca ain nētēnuax tēmēratí rabanan bētsi nētēnu cuantima 'icēn.

15.

Camabí uni ca ain netenu ití icēn.

Enē nētē minan 'aishbi ca minanma 'iti 'icē quixun ca unin bētsi uni catima 'icēn. Bētsi nētēnu 'isa tanquin ca unin usai 'inuxun gobiernobētan mēniotí 'icēn.

16.

Bētsi bētsi unix ca quia: Uni canice ixunbi ca bētsi netenu icē xanu bitima 'icēn, ca bētsi banan banacē xanu bitima 'icēn, ca an rabicē dios rabicēma xanu bitima 'icēn. Usa unix quicēsai ca 'itima 'icēn. Unin usa xanu canicē 'icē bisa tanquin ca bití 'icēn, a xanu cuēñcēbētan. Atux 'isa tani ca bēchicēñu 'ití 'icēn. Gobiernonēn iscēx ca a uni ain xanubē sēnēn 'icēn, xēñibua 'ainbi.

Nucē bēñē cuēñquinshi ca xanu bití 'icēn, a anúribi cuēñnia ca bití 'icēn.

Tuácama ain tita ain papabē 'aquiananti ca asábi 'icēn. Usai upiti bucunun ca camabi unin sinantí 'icēn. 'Apunribi ca usai 'inun sinanxunquin 'aquintí 'icēn.

17.

Uni meñu 'isa tania ca uni itsin meñu 'inun ėnti 'icēn. Xuburibi 'imainun añu ñuñu cara uni 'isa tania ca uni itsin a ñuñu 'inun ėnti 'icēn. 'Aisa tanquin uni rairibētan mēniotancex ca a ñu ainainshima, rairinanribi 'iti 'icēn.

Unin ca ain cuēñcēsa oquinshi bētsi unin ñu bitima 'icēn.

18.

Camabi unin ca ain cuēñcēsa oquin sinanti 'icēn; uni rairinēn ubiócēma ca 'ití 'icēn. Uisoquin cara ain dios rabbitisa tania usoquin ca 'ati 'icēn. Usaquin sinanxunbi ca amiribishi 'aisa tanquin sinantécentí 'icēn;

uni rairinén ubiocéma ca 'ití 'icēn. En rabičē dīosan iscēx ca bētsi bētsi ņū 'atí 'aisama 'icē quixun sinancē uni ca bētsi unin a ain cuēñcēsabi oquin 'anun ěntí 'icēn. Usa ain ca ain dīosmí catamēisa tania bētsi unin a 'axunma 'anun catima 'icēn. An rabičē dīos ca anbi rabití 'icēn. 'Aisa tani ca uni rairibē timēquin abētan rabiti 'icēn. Rabiquin ca 'aisa tanquin rairi uniribi ain dīos ņūiquin 'unanmití 'icēn.

19.

Camabi unin ca ain cuēñcēsa oquin sinantí 'icēn. Ca ubiocéma 'ití icēn. Ca bētsi unin cacē bana 'aisa tanquin sinantí 'icēn. Bētsi nētēnu 'icē unibērībi ca 'unanmiananti 'icēn. Usai 'i ca ubiocēma ití 'icēn. Usaribi oi ca ain sinancē ņū ņūi banatisa tani banatí 'icēn; ca ubiocēma 'ití 'icēn.

20.

Uní rairibē timētisa tani ca uni upí oquiinschi sinanx timetí 'icēn.

Uínu 'icē uninbi ca bētsi unin abētan ņū 'aisama tania ubioxun ņū 'amitima 'icēn.

21.

Camabi unin ca libreta electoralņū 'ixun ain cuēñcēsa oquin 'apu caisquin votaci3n 'atí 'icēn.

Gobiernonēn ain nētēnu 'icē unicama 'aquinun mēniocē ņucama ca camabi uninan 'icēn. Ca esa 'icēn: Bai cha anun ca carrocama 'imainun unicama cuainsa tani cuantí 'icēn. Anun quirica buanmiti correo anun ca unin 'aisa tanquin ain quirica buanmiti 'icēn. Usai ca 'ití 'icēn.

Uisa gobierno cara a nētēnu 'icē unicama cuēñia, usa ca ain gobierno 'ití 'icēn. Uisa gobierno cara a unicama cuēñia 'unánun ca libreta electoralņū 'icē unicaman quiricanu cuēñeoquin uicama cara ain 'apu 'ití cuēñia quixun 'unánun 'atí 'icēn. Camabi uní ain sinancēsabi oquin ca uix 'apu 'ití cara cuēñia, ain anē quiricanu cueneotí icēn. Cuēñēcē ca uni itsin 'unantima 'icēn, anbi cuēñēcē ca ití 'icēn. Camabi uní ca bētsibē sēñēn 'icēn. Usa 'aish ca camabi uní gobierno quicēsabi ol libreta electoralņū 'ití 'icēn.

22.

An ņū 'atima 'acēma 'aish ca uinu 'icē unixbi rabinima bētsi uní 'icēsai ņū meetinu ianan uní rairibē nuianancē 'ianan ain rairinēn ņū 'acē 'icēsaribi oi 'isa tani ití 'icēn. Uní usai 'icēma 'aish tēmērala ca uní itsin 'aquintí 'icēn, ain 'apunribi mēniocēsabi oi ca 'aquince ití icēn. Uní ain nētēnuax cara uisa ņū cara 'icēbē tēnmēria ca bētsi nētēnu 'icē gobiernonēnribi 'aquinsa tanquin 'aquintí 'icēn.

23.

Camabi unin ņū mēētisa tanquin ca ņū meetí 'icēn. Aņū ņū mēēti cara 'aisa tania a ņū mēēti mēraquin ca 'atí 'icēn. An ņū mēēmīcē unin ca ain uní 'atimotima 'icēn. ņū mēēti 'alma 'ain ca 'apun ņū mēēti mēranun 'aquintí 'icēn.

Uí uní cara, uisa cara ain bana 'icē, camabi uní ca sēnen 'icēn. Usa 'ixun ca upí oquin ņū meece 'ixun bētsi unin 'acēsaribi oquin ain cupí bití 'icēn.

Uí unin bētsi uní ņū mēēxuncē 'ixun ca ain cupí bití 'icēn, a 'imainun ain xanu 'imainun ain bēcīcēcama upití bucunun. Ain cupí 'itsamashi bicē 'aish 'aquinsa 'icē ca apun anun a 'aquintí mēnioti 'icēn.

An ņū mēēcē uní rairi unibē timēquin bētsibē bētsibē aquiananisa tanquin, ulsoquin cara ain ņū mēēti 'atí 'icē quixun sinánan uisa cara ain ņū meetí icē quixun acama sinánux timētia ca uní itsin usaquin anun enti icēn.

24.

Camaxbi ņū mēētancēx tantití ca asábí 'icēn. 'Uráinra tantiquinma ņū mēētancēx ca tantití 'icēn. Anun tantití nētē gobiernonēn mēnlocēsabi oquin ca unin ņū mēēquinmabi ain cupí bití 'icēn.

25.

Camabi uní 'imainun ain xanu 'imainun ain bēcīcēcama ēsai 'ití ca asábí "icēn: 'insincēma chuámarua, pítīñu, chupañu, anu itínu, insincē 'aish roñu 'ití. Uní ain ņū meetí 'alma, uní insince, uní bētsīcē, xanu casunamēcē, uní xēni acama anun upití 'ití 'alma 'ain, ain aintsin 'aquiniama ca a 'aquintí 'apun mēniotí 'icēn.

Tuáñu xanucama 'imainun tuácamaribí upití inun ca 'aquīncē ití icēn. Bētsi tuácama 'icēsaribitia 'inun ca unin xanumi sēcē' ocē tuácama bērúance ití icēn.

26.

Camabi tuá ca escuelanu atsintisa taní atsintí 'icēn. Cuploquinma ca primaria 'atí pain atsintí 'icēn. Camabi tuáratsu ca escuelanu cuantí 'icēn. Uí unicama cara escuela tēcnica anu atsintisa tania ca anu cuantí 'icēn, apun mēniosabi oi. Secundaria cēñutancēxun bētsi ņuribi unantisa taní ca bētsi escuelanuribi atsintí 'icēn, ain nota asábí ain.

Escuelanuxun ca quiricanu cuēñēcē ņuishi 'unanmicēma 'ití 'icēn. Anuxun ca alumnocama bētsi ņū 'atiribi 'unanmicē ití 'icēn, 'imainun ca upí oquian alunnonēn sinantí aribi 'unanmicē 'ití 'icēn. Bētsi menu 'icē unicama 'imainun bētsi banan banacē unicama 'imainun Nucēn Papa Dīosmí sinancē unicama 'imainun ami sinancēma unicama, camabi nusaribi uní 'aish unibē nuibananti ca 'unanmicē 'ití 'icēn. Usaquin sinanmicēx ca gobiernocaman xucē unicama timēxun cuēñcēsabi oi unicama bētsibē nishanani 'acananti 'aima ití icēn.

Bětsi unin cacěsamaira oquin ca ain titabětan ain papan cati 'icěn, uisa escuelanuxuinra cara ain běchicěněn nřu 'unanti ice quixun.

27.

A ěmanu 'icě unicaman 'acěsa oquin ca anu 'icě uni rairiněn 'aisa tanquin usaribi oquin 'ati 'icěn. A ěmanu 'icě unicaman sinancěsa oquin ca anu 'icě uni rairiněn 'aisa tanquin usaribi oquin sinanti 'icěn, camaxunbi nřu 'ati upí oquin 'unánan upítí bucunun.

An nřu 'acě uní 'imainun an nřu cuěněocě uni anpan 'acě 'ain ca bětsi unix, en 'acě ca quiax quitima 'icěn. Usai bětsi unix quití rabanan ca an nřu 'acě unin 'aisa tanquin an 'acě nřu a 'apu 'unanmiti 'icěn.

28.

Eně quiricacama quicěsabi oi camabi uni uni itsin ublocěma upítí bucuti 'inun ca camabi nětěnu icě unin ain aintsi 'aquintí 'icěn.

29.

Camabi únin ca ain ěmanu 'icě unicama 'imainun a 'urama 'icě ain caibucama 'aquianan atubětan ain ěma 'imainun mecama upí imítí icěn. Usaquin 'ai cuni ca unix masá sinancěma 'aish upítí 'ítí 'icěn.

Unix ublocě 'aish upítí bucucěma 'imainun unin nřu 'atima 'aquin uni itsiribi nřu 'atima 'amítí 'imainun bětsi bětsi nřu sinanquin uni raírí tsuáquirumiti usai 'ítí rabanan ca gobiernoněn ain unicaman cuati bana měníhoia. Usa oquin měnlocě banacama ca ain unicaman cuati 'icěn.

Gobiernocaman xucěx timꞤcě unicaman upí oquin sinanquin ca ěně banacama cuěněoxa. Usaribi oquin ca camabi unin ěně bana isquin, usaquin sinanquin 'acě ca enex ice quixun upí oquin sinanti 'icěn. An 'acě unicaman sinancě bana ca bětsiotima 'icěn.

30.

Eně banacama bětsioquin ca uinu 'icě uninbi uni raíricama upítí bucunun quixun sinanquinma, 'ěx cuěěncěsa oquin 'anun ca a bana quia quixun sinantima 'icěn. Uni raírí bětsi unibě timěcěcama 'imainun gobiernonu ice apucamanribi ca usa oquin sinantima icěn.